

# Тиловат саждасидан олдин такбир айтилиши | Ҳадис дарслари (361-дарс)



18:00 / 07 январь 525

عَرُوسُ الْأُرْقَى مَلَسَ وَهَلَعُ هَلَلِ الْيَلْبِطِ نَأْكُ: لَأَقُوهُ نَعُ هَلَلِ الْيَضَرِّ رَمْعُ نَبِ الْعِ  
وَتَهَبَّحْ عَضُومِ أَنْ أَمْ أَنْ دَحَّ أَيْحَ أَمْ يَحُّعُ عَمُ دُجْسَ نَوُ دُجْسَ يَفُ دُجْسَ لَأَهِي فَي تَلِ  
عُتَّالْ ثَلْ أَوْرُ

Ибн Умар розияллоху анхудан ривоят қилинади:

**«Набий соллаллоху алайҳи васаллам сажда ояти бор сурани қироат қилиб, сажда қилар эдилар. Биз ҳам у зот билан сажда қилар эдик. Ҳаттоки биримиз пешонасига жой топа олмай қолар эди».**

*Учовлари ривоят қилганлар.*

**Шарҳ:** Ушбу ҳадисдан олинадиган фойдалар:

1. Сажда оятини тиловат қилган одам сажда қилиши лозимлиги.
2. Сажда оятининг тиловатини эшитган одам ҳам сажда қилиши лозимлиги.
3. Саҳобаи киромларнинг тиловат саждасини тезроқ қилишга ошиқиб, одам кўплигидан пешоналарини саждага қўярга жой топа олмай қолганликлари.

رَبِّكَ ذُجَّسَ لِيَابِ رَمَّ إِذِ افْتَنَ الرُّقُولَ الْاَنْ يَلْعَ اَرْقَى مَلَسَ وَهِيَ لَعْلَلِ اِيْلَصَّ يَبْنَلِ اَنَّا  
مُكَاخْلَاوْ دُوَادُ وُبَّ اَهَاوْرُ. عَمَّ اَنْ دَجَّسَ وَدَجَّسَ وَ

**«Набий соллаллоҳу алайҳи васаллам бизга Қуръон қироат қилиб берар, сажда (ояти)дан ўтсалар, такбир айтиб, сажда қилар эдилар. Биз ҳам у киши билан сажда қилар эдик».**

*Абу Довуд ва Ҳоким ривоят қилганлар.*

**Шарҳ:** Бу ҳадис ҳам Ибн Умар розияллоҳу анҳудан ривоят қилинган.

Ушбу ҳадисдан олинадиган фойдалар:

1. Қуръон қироат қилиб, сажда оятдан ўтган киши тиловат саждаси қилиши лозимлиги.
2. Сажда ояти тиловатини эшитган киши ҳам тиловат саждаси қилиши лозимлиги.
3. Тиловат саждасидан олдин такбир айтилиши.

اِيْلَصَّ يَبْنَلِ اَنَّا رَمَّ اِيْلَصَّ يَبْنَلِ اَنَّا رَمَّ اِيْلَصَّ يَبْنَلِ اَنَّا رَمَّ اِيْلَصَّ يَبْنَلِ اَنَّا رَمَّ اِيْلَصَّ يَبْنَلِ اَنَّا  
اُمُّهُ اَرْقَى الْاَفْ اُمُّهُ ذُجَّسَ يَمَلْ نَمَّوْ مَعَنَّ اَلْاَقْ اِنَّا تَدَجَّسَ جَّحَلْ اَهَاوْرُ اِيْلَصَّ يَبْنَلِ اَنَّا  
رَمَّ اِيْلَصَّ يَبْنَلِ اَنَّا رَمَّ اِيْلَصَّ يَبْنَلِ اَنَّا رَمَّ اِيْلَصَّ يَبْنَلِ اَنَّا رَمَّ اِيْلَصَّ يَبْنَلِ اَنَّا

Уқба ибн Омир розияллоҳу анҳудан ривоят қилинади:

**«Расулulloҳ соллаллоҳу алайҳи васалламга:**

**«Эй Аллоҳнинг Расули, Ҳаж сурасида иккита сажда борми?» дедим.**

**У зот:**

**«Ҳа, ким у икковига сажда қилмаса, уларни қироат қилмасин», дедилар».**

Абу Довуд, Термизий, Ҳоким ривоят қилганлар.

**Шарҳ:** Ушбу ҳадисдан Ҳаж сурасида икки дона сажда ояти борлиги аён бўлади. Шу билан бирга, уларни ўқиган одам сажда қилиши лозимлиги, сажда қилмаса, ўқимаслиги кераклиги билинади.

Ҳанафий мазҳабида «Ҳаж» сурасида битта сажда бор, дейилган. Улар ушбу ривоятда айтилаётган икки саждадан фақат биттасини олганлар. Шу билан бирга, Ҳанафий мазҳаби ушбу ривоятни тиловат саждаси вожиб эканлигига далил ҳам қилганлар.

يٰۤاَرْقِيْ مَلَسَوْهُ يَلْعَهُ لَلِى لَصَّيْبٍ نَّالِ نَاكَ لَاقُوْهُ لَلِى ضَرَّهٖ رِيْبًا نَع  
يٰۤاَرْقِيْ مَلَسَوْهُ يَلْعَهُ لَلِى لَصَّيْبٍ نَّالِ نَاكَ لَاقُوْهُ لَلِى ضَرَّهٖ رِيْبًا نَع

Абу Ҳурайра розияллоҳу анҳудан ривоят қилинади:

**«Набий соллаллоҳу алайҳи васаллам Жумъа куни Бомдод намозида «Алиф лам мийм. Танзийлу...» - «Сажда» (сурасини) ва «Ҳал атаа ьалал инсани ҳийнун...» (сураларини) ўқир эдилар».**

Икки Шайх ва Термизий ривоят қилганлар.

**Шарҳ:** Ушбу ҳадисдан олинадиган фойдалар:

1. Жумъа куни Бомдод намози фарзининг биринчи ракъатига Сажда сурасини ва иккинчи ракъатига Даҳр сурасини ўқиш.
2. Имом фарз намозига сажда ояти бор сурани зам қилса, жоизлиги.
3. Сажда ояти намозда келганда ҳам сажда қилиш кераклиги.

**«Ҳадис ва ҳаёт» китобининг 5-жузи**

Ўзбекистон Республикаси Дин ишлари бўйича қўмитанинг 2024 йил 23 январдаги 03-07/362-рақамли хулосаси асосида тайёрланди.